

O BIBLIOGRAFIJI

U želji da se čitaoci lakše koriste Bibliografijom, nastojali smo da građu sadržaja *GEODETSKOG GLASNIKA* (ranije *GLASNIK*), svrstamo u što manji broj disciplina, no i pored toga što je sam sadržaj Geodetskog glasnika skroman nismo se mogli odlučiti na manji broj disciplina. Čak se nametala potreba da se u okviru disciplina izvrši prikaz i po grupama, ali kako bi te grupe bile male ipak smo odlučili da članke svrstamo samo po disciplinama, tako smo došli do podjele na 16 disciplina:

1. *GEODEZIJA I GEODETSKI PLANOVI*
2. *RAČUN IZRAVNANJA I STATISTIKA*
3. *VIŠA GEODEZIJA, SATELITSKA GEODEZIJA I ASTRONOMIJA*
4. *INŽENJERSKA GEODEZIJA I RUDARSKA MJERENJA*
5. *FOTOGRAMetriJA I DALJINSKA ISTRAŽIVANJA*
6. *KATASTAR, KOMASACIJE I AGRARNE OPERACIJE*
7. *KARTOGRAFIJA*
8. *INFORMATIKA, ELEKTRONIKA, AUTOMATIZACIJA I ROBOTIKA*
9. *PROSTORNO PLANIRANJE*
10. *OBRAZOVANJE*
11. *ZAKONI, PRAVILNICI, ODLUKE I UPUTSTVA*
12. *SAVJETOVANJA, SIMPOZIUMI I KONGRESI*
13. *VIJESTI*
14. *PRIGODNI ČLANCI*
15. *TERMINOLOGIJA*
16. *IN MEMORIAM*

Baza podataka na osnovu koje je su uređeni prikazi (atori-članci i indeks atora) sastavljena je od tri kolone:

<i>Autor:</i>	<i>Naslov članka, G(br)/gg, od-do.</i>	<i>Indeks</i>
Kapetanović, Nihad:	Informacija o III stepenu studija, G4/68, 22-23.	10

U prvoj koloni *Autor:* izostavili smo sve titule i zvanja autora, u drugoj koloni *Naslov članka, G(br)/gg, od-do.* iza imena članka, upisan je Glasnik broj / godina u koju je Glasnik štampan, i na kraju početna i završna strana članka (od – do), a treća kolona *Indeks* predstavlja broj discipline. U in memoriam također smo izostavili titule i zvanja, a umrle smo upisivali prvo prezime zatim ime.

Autore članaka koji su potpisani inicijalima upisali smo kao takve, mada takvih slučajeva nije bilo puno. Nepotpisane članke koji su najčešće bili citirani zakoni, vijesti i slično, upisali smo pod autorstvom Uredništva.

Konačni prikaz atora i članaka dat je po rednom broju discipline (indeksu), a unutar discipline članci su dati po abecednom redu autora.

Indeks autora je također dat po abecednom redu autora sa prikazom koliko se puta svaki autor pojavio u Bibliografiji te stranama na kojima se nalazi isti autor, sa legendom:

* Članak ima više koautora

119₍₂₎, Autor se pojavljuje 2 puta na toj strani

119*₍₂₎, Autor se pojavljuje 2 puta na toj strani kao koautor

I na kraju, radi bolje preglednosti svi slogovi su oivičeni sa vidnim okvirima.

Fadil Hodžić